

Caumont devèn óficialamen uno 'ciéuta mistralenco'



En estiú de 2024, la coumuno avié demanda l'atribucioun dóu labèu 'Ciéuta mistralenco' pèr demoustra soun engajamen poulitic en favour de la lengo d'O. Despièi la signaturo de la charto lou 29 de mars d'aquest an, Caumont es labelisado, coume la vilo de Caroun [15 jour avans](#).

Uno de mai ! [Caumont](#) fai partido di 14 vilo de Vau-cluso que volon recebre lou labèu 'Ciéuta mistralenco'. [Lou doursié](#) fuguè inicia pèr l'ajoun à la cultura [Enri Garcia](#) emai Daniè Vernet, lou president de l'associacioun felibrenco Parlaren Caumont. Prenguè un pau mai de 6 mes d'ana e veni pèr lou faire estruire e óuténi l'acord dóu Councèu di Ciéuta mistralenco, pièi pèr fica la dato de signaturo.

[Retrouvez cette article en version française en cliquant ici](#)

Encourajado pèr lou [Felibrige](#), la municipalita s'endraio dins la valourisacioun de soun identita. Aquéu

Ecrit par Echo du Mardi le 8 avril 2025

labèu es tras que benvengu dins un cantoun que veguè nàisse [lou mouvamen lou mai trelusènt pèr la lengo nostro](#). Es-ti necite de vous remembra que l'assoucioun dóu felibrige fuguè creado en 1854 à Castèu-Nòu-de-Gadagno ? Caumont estènt a la periferiò la mai procho d'uno dinamico prouvençalo vièio de mai de 160 an, lou labèu apielo soun dardaiamen istouri. D'eitant mai que de felibre coume Auziaz Jouveau, Adòufe Dumas e Pèire Vouland countribuiguèron à la vido literàri e culturalo de Caumont.



Credit : Dr

« Es un devé pèr nautre »

Claude Morel, conse de Caumont

La coumuno de Caumont se pòu regaudi de la proumoucioun recouneigudo de sis acioun, monte lou prouvençau beneficio d'uno bello vesibilita. "Aquelò labelisacioun es uno recouneissènço emai uno recoumpènso pèr tóuti lis esfors que fasèn, pèr manteni e afourti nòsti tradicioun prouvençalo" asseguro [Claude Morel](#), lou conse de Caumont. Lou jour de la signaturo de la charto, lou permier elegi de la vilo afirmavo sa "counvicioun". E dins sa dicho ramentavo au mounde qu'"es un devé pèr nautre elegi e ciéutadan" de trasmetre tout ço que nous demoro coume valour, de faire lou liame di racino enjusqu'i branco de nosto cultura.



Ecrit par Echo du Mardi le 8 avril 2025

Amado Roumejoun Cros

Pèr n'en saupre mai sus lou founciounamen dóu labèu 'Ciéuta mistralenco', poudès (tourna) legi aqeste article :

<https://www.echodumardi.com/dossier/a-caromb-le-patrimoine-provençal-se-conjuge-au-futur-avec-les-ciéuta-mistralenco/>

[A Caromb, le patrimoine provençal se conjugue au futur avec les 'Ciéuta Mistralenco'](#)